



Bosnia and Herzegovina
Federation of Bosnia and Herzegovina
CANTON SARAJEVO
**Ministry of Physical Planning Construction and
Environmental Protection**

Broj:05-05-23701/19
Sarajevo, 10.06.2019.godine

SKUPŠTINA KANTONA
N/r gosp. Elmedin Konaković, Predsjedavajući
OVDJE

Predmet: Odgovor Federalnog ministarstva prostornog uređenja broj: 02-23-1-412/19 od
05.06.2019.godine na zastupničko pitanje - dostavlja se

Ministarstvo prostornog uređenja, građenja i zaštite okoliša zaprimilo je dana
12.06.2019.godine dopis Federalnog ministarstva prostornog uređenja broj: 02-23-1-412/19 od
05.06.2019.godine naznačen kao odgovor na zastupničko pitanje.

Iz teksta dopisa se nije moglo utvrditi o kojem zastupničkom pitanju je riječ, ali uvidom u
službenu evidenciju Ministarstvo je konstatovalo da se nije obraćalo Federalnom ministarstvu
prostornog uređenja radi davanja odgovora na zastupničko pitanje.

Imajući u vidu navedeno u prilogu dostavljamo dopis Federalnog ministarstva prostornog
uređenja broj: 02-23-1-412/19 od 05.06.2019.godine na dalje postupanje.

S poštovanjem,

Dostaviti:

- Naslovu sa prilogom
- a/a



MINISTAR


Damir Filipović, MA prava



05/Krivača
14.06.2019. Bulović

Broj : 02-23-1-412/19 - 2 - H.S.
Sarajevo, 05.06.2019. godine

VLADA KANTONA SARAJEVO
MINISTARSTVO PROSTORNOG UREĐENJA
GRADENJA I ZAŠTITE OKOLIŠA KS
Sarajevo, Reisa Džemaludina Čauševića 1



PREDMET: Zastupničko pitanje, odgovor

Poštovana,

vezano za Vaše pitanje koje se odnosi na područje Igmana i Bjelašnice, odnosno njegov status u pogledu prostorno-planskih dokumenata, kao i dozvoljenu gradnju na osnovu istih, informišemo Vas o sljedećem:

Prostornim planom Republike BiH za period 1981-2000. godina, područje Igmana i Bjelašnice planirano je kao Nacionalni park u okviru čega se nalaze dijelovi prvog i drugog režima zaštite sa rezervatima prirode (dendrološki, botanički, geomorfološki podzemni), spomenicima prirode (hidrološki, geomorfološki površinski) kao i sportsko-rekreacioni centri. Za odnosno područje urađeni su provedbeni planski dokumenti kao što su „Regulacioni plan Igman“, „Regulacioni plan Bjelašnica I“ i „Regulacioni plan Bjelašnica II“ kao osnova za odobravanje zahvata u prostoru, odnosno građenje.

U skladu sa članom 115. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj: 2/06, 72/07, 32/08, 4/10, 13/10 i 45/10), do donošenja Prostornog plana Federacije Bosne i Hercegovine, primjenjuje se Prostorni plan Republike BiH za period 1981-2000. godina, u dijelu koji nije u suprotnosti sa Ustavom Federacije.

Istim članom naprijed navedenog Zakona, propisano je da do donošenja Prostornog plana Federacije Bosne i Hercegovine, područja od značaja za Federaciju Bosne i Hercegovine utvrđuje Parlament Federacije Bosne i Hercegovine na prijedlog Vlade Federacije Bosne i Hercegovine.

Odlukom Parlamenta Federacije BiH, područje Igman, Bjelašnica, Treskavica kanjon Rakitnice (Visočica) utvrđeno je kao područje posebnih obilježja od značaja za Federaciju Bosne i Hercegovine („Službene novine Federacije BiH“ broj: 8/05 i 66/08) čime je, u skladu sa navedenim Zakonom, utvrđena nadležnost Federacije Bosne i Hercegovine za donošenje prostorno planskih dokumenata za odnosno područje.

Odlučujući o zahtjevu načelnika Općine Trnovo i načelnika Općine Hadžići, Ustavni sud Federacije Bosne i Hercegovine je donio Presudu broj: U-20/11 od 06.12.2011. godine, kojom je obustavio primjenu naprijed navedene Odluke.

Obzirom da je Prijedlog Prostornog plana Federacije Bosne i Hercegovine, kojim je predmetno područje tretirano kao područje od značaja za Federaciju Bosne i Hercegovine, usvojen od strane Predstavničkog doma Parlamenta Federacije Bosne i Hercegovine u julu 2014. godine, a nije razmatran u Domu naroda Parlamenta Federacije Bosne i Hercegovine, aktivnosti na izradi planskih dokumenata iz nadležnosti Federacije Bosne i Hercegovine, za predmetno područje, trenutno nisu omogućene.

Posebno naglašavamo da je područje Igmana i Bjelašnice tretirano u prostorno-planskim dokumentima koje je donijela Skupština Kanton Sarajevo, odnosno Općinska vjeća općina na čijoj se teritoriji nalazi predmetno područje.

Na odnosnom području dozvoljena je gradnja ukoliko je u skladu sa važećim planskim dokumentima, a njeno odobravanje regulisano je Zakonom o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj: 2/06, 72/07, 32/08, 4/10, 13/10 i 45/10), za objekte u skladu sa Uredbom o određivanju zahvata u prostoru i građevina za koje Federalno ministarstvo prostornog uređenja izdaje urbanističku saglasnost i/ili lokacijsku informaciju ("Službene novine Federacije BiH", broj: 32/14). Odobravanje svih ostalih zahvata na odnosnom području vrši nadležno kantonalno Ministarstvo, odnosno općinski Načelnik u skladu sa Zakonom o prostornom uređenju Kantona Sarajevo ("Službene novine Kantona Sarajevo", broj: 7/05 i 24/17).

AKT OBRADIO


Hajrudin Srna

SAGLASNA


Hanka Mušinbegović, pomoćnik ministra

Dostaviti:

- ① Naslovu
2. Evidenciji X
3. Arhivi

